



大宋新譯三藏聖教序

御製

二

下

大矣哉我佛之教也化導群迷闡揚  
 宗性廣博宏辯英彥莫能究其旨精  
 微妙說庸愚豈可度其源義理幽玄  
 真空莫測包括萬象譬喻無垠綜法  
 網之紀綱演無際之正教拔四生於  
 苦海譯三藏之秘言天地變化乎陰  
 陽日月盈虧乎寒暑大則說諸善惡  
 細則比於恒沙含識萬端弗可盡述  
 若窺像法如影隨形離六情以長存  
 歷千劫而可久須彌納藏於芥子如  
 來坦蕩於無邊達磨西來法傳東土  
 宣揚妙理順從指歸彼岸菩提愛河  
 生滅用行於五濁惡趣拯溺於三業  
 途中經垂世以難窮道無私而永泰  
 雪山貝葉若銀臺之耀目歲月煙蘿  
 起香界之自遠巍巍罕測杳難名  
 所以道資十聖德被三賢至道起於  
 軋元象妙生乎太易摠繁形類竅鑿  
 昏明絕彼是非開茲蒙昧有西域法  
 師天息災等常持四忍早悟三乘爾

具葉之員詮續人天之聖教芬猷重  
 啓運偶昌時潤五聲於文章暢四始  
 於風律堂堂容止穆穆輝華曠切而  
 昏執重明玄門昭顯軌範而彌充妙  
 法淨界騰音利益有情俱登覺岸無  
 成障礙救諸疲羸冥昧慈悲浩汗物  
 表柔伏貪恨啓滌昏愚演小乘聲聞  
 合其儀論大乘正覺立其性合靈悟  
 而蒙福藏放缺而重興幻化迷途火  
 宅深喻雖設其教不知者多善念生  
 而無量潛臻惡業興而隨緣皆愆調  
 御四衆積行十方樹花雨於金輪護  
 恒沙於玉闕有頂之風不可壞無際  
 之水弗能漂澄寂湛然圓明清淨之  
 智慧性空無染妄想解脫之因緣可  
 以離煩惱於心田可以得清涼於宇  
 宙朕懃非傳學釋典微閑豈堪序文  
 以示來者如縻螢燭火不足比之於  
 皎日將微蠹量海未能窮盡於深淵  
 者哉

佛說觀自在菩薩母陀羅尼經

吳越三藏聖教序 吳越王 錢鏐 奉 詔

如是我聞一時佛在廣嚴城與大比

丘衆舍利子等五百人俱復有慈氏等大菩薩衆恭敬圍繞敷座而坐。爾時會中有一菩薩名曰普賢從座而起詣世尊前偏袒右肩右膝著地合掌向佛白言世尊有觀自在菩薩母陀羅尼大明章句乃是過去現在未來諸佛世尊隨喜宣說我佛世尊為菩薩時為求正等正覺利益衆生故亦曾宣說此陀羅尼又復此陀羅尼與求菩薩善男子善女人為父為母亦如孤獨而得依怙無主宰者當得主宰彼陀羅尼若人得已讀誦受持者一切罪業悉得消滅一切行願皆得圓滿乃至修諸大明亦獲成就。佛告普賢菩薩言誠如汝說我念往昔為菩薩時為求正等正覺度如說鵝沙數無量無邊世界彼有佛土名蘇珂嚩帝彼土有佛号無量壽如來應供正等正覺是無量壽佛於今見在常說妙法利益衆生我於彼會為婆羅門名自在忞我時已得證發允地於彼會中已曾宣說此觀自在菩薩母陀羅尼當與百千那由他無量

無邊衆生作大利益時在會中一切大眾間是陀羅尼已有罪業者皆悉消滅未得宿命智者獲宿命智。爾時世尊復告普賢菩薩言汝為利益當來未法五濁惡世百千俱胝無量無邊造無間業罪惡衆生得罪消滅令孤獨者有依怙故欲隨喜宣說觀自在菩薩母陀羅尼善哉善哉汝可宣說普賢菩薩蒙佛許已即說觀自在菩薩母陀羅尼曰：那謨引婆訶嚩帝阿彌多引婆引野一但他引識多引野二阿囉曷引帝三藐三沒馱引野三曩謨阿引野四合嚩路吉帝說囉引野四目地薩埵引野引摩賀引薩埵野引摩賀引迦引嚩尼地引野引帝毗喻云曩莫塞訖哩三合埵七伊給引身阿引哩野引合嚩路吉帝說囉摩旦引摩賀引囉囉尼滿但囉二合鉢那引你九三鉢囉二合嚩又也二合弥伊引尾龜引身三蜜哩二合殿觀十但龜他引十伊弥引十二弥餘引十唧餘引十弥餘引十岷多羅引十六岷多餘

引一尸哩引十尸尸哩引十藕哩引二誡埵引哩引二摩登儼引二十補葛西引二十葛叱引野引二十摩賀引尾龜引二十昏但摩引餘額引二十唧餘引二十唧餘引十八虞四也引十九揅藪揅哩捨你引三揅哩伽二合摩引曩摩引你引三十阿引哩野引二合諾叱拏普吟引三薩哩嚩二合尾龜引難引鉢囉引二合尾設也二合弥引三十薩哩嚩引二合龜引你引弥引說哩莎引加引三。爾時普賢菩薩說是陀羅尼已白佛言世尊若復有人至心受持所有罪業悉皆消滅於一切怖畏時常得擁護若有行人欲求見我及諸成就者當加精進心不間斷一日三時專注持誦至滿七日我慈是人為現本身又復行人如是專注心不間斷默念一月當得觀自在菩薩出現本身施所求願乃至得見無量壽佛多聞增長證宿命智所生之處不離佛法具大富貴乃至獲得不退轉地。佛說是經已普賢菩薩摩訶薩及諸

菩薩聲聞等一切會眾聞佛所說皆  
大歡喜信受奉行

佛說觀自在菩薩母陀羅尼經

佛說觀自在菩薩母陀羅尼經

校勘記

- 一 底本，金藏廣勝寺本。
- 一 八七一頁中一行至本頁下二〇行序文，諸本（不含石）無。
- 一 八七一頁下二一行經名，經、清作「觀自在菩薩母陀羅尼經」。卷末經名同。
- 一 八七一頁下二二行評者，資、普作「三藏法師法賢奉詔譯」；續、南作「三藏大師法賢奉詔譯」；徑、清作「宋三藏法師法賢奉詔譯」。
- 一 八七二頁上一二行「得已讀誦」，麗作「讀誦得已」。